

Bina rumah tinggi, dalamkan sungai elak banjir – Sultan Pahang

Oleh NORFARHIZA MOHD ATAR | 11 November 2024, 6:25 pm



AL SULTAN ABDULLAH dan Tengku Hassanal berkenan menyampaikan sumbangan kepada mangsa-mangsa banjir di PPS Dewan Orang Ramai Kampung Tok Machang di Raub hari ini.

RAUB – Sultan Pahang, Al-Sultan Abdullah Ri'ayatuddin Al-Mustafa Billah Shah bertitah agar pembinaan rumah di kawasan yang terdedah banjir ditinggikan dan disesuaikan dengan tahap risiko bencana tersebut.

Titah baginda, fenomena banjir merupakan perkara biasa di Pahang khususnya bagi penduduk yang tinggal di berdekatan sungai.

“Ini memang suatu fenomena yang biasa di negeri Pahang, mereka yang tinggal di tepi sungai akan menghadapi risiko seperti ini (banjir).

“Namun, saya berharap kalau ada kesampaian rezeki dan bantuan daripada pihak kerajaan atau swasta apabila hendak membina rumah biarlah rumah itu tinggi sikit,” titah

baginda ketika berangkat menyampaikan bantuan kepada mangsa banjir di Pusat Pemindahan Sementara Dewan Orang Ramai Kampung Tok Machang di sini, hari ini.

Turut berangkat Tengku Mahkota Pahang, Tengku Hassanul Ibrahim Alam Shah Ibni Al-Sultan Abdullah. – KOSMO! ONLINE